

春秋左傳杜注

春秋左傳杜注卷第二十四

華亭姚培謙

昭公

經十有八年春王三月曹伯須卒

未同盟而赴以名

○夏五

月壬午宋衛陳鄭災

來告故書天火曰災

○六月邾人入郟

郟國今琅

邪開陽縣○郟音禹○開陽故城在今山東兗州府沂州北十五里○秋葬曹平公○冬許遷于

白羽

自葉遷也畏鄭而遷故以自遷為文

傳十八年春王二月乙卯周毛得殺毛伯過

毛伯過周大夫

得過之族○過平聲而代之

代居其位

萇弘曰毛得必亡是昆吾稔之

日也。侈故之。

昆吾夏伯也。於熱也。侈惡積熱。以乙卯日與桀同誅。昆吾祝融之後。嘗為夏伯。以惡熱誅者。乃其後世子孫

耳。而毛得以濟侈於王都。不亡何待。

為二十六年。毛伯奔楚傳。

○三月曹平公卒。

為下會葬見原伯起本。

○夏五月火始昏。見星。丙子風。梓慎曰。是謂融風。

火之始也。

東北曰融風。融風木也。木火母。故曰火之始。

七日其火作乎。

從丙子至壬午七日。壬午。

水火合之日。故知當火作。

戊寅風甚。壬午火甚。宋衛陳鄭皆火。梓慎

登大庭氏之庫以望之。

大庭氏古國名。在魯城內。魯於其處作庫。高顯。故登以望氣。參近占以審前年之言。

曰。宋衛陳鄭也。數日皆來告火。

言經所

禘竈曰不用。

吾言。鄭又將火。

前年禘竈欲用瓊牟禳火。子產不聽。今復請用之。

鄭人請用之。

信慮子

產不可。子大叔曰：寶以保民也。若有火，國幾亡，可

以救亡。子何愛焉？子產曰：天道遠，人道邇，非所及

也。何以知之？竈焉知天道，是亦多言矣。豈不或信

多言者，或時有中。遂不與，亦不復火。傳言天道難明，雖神竈猶不足以盡知之。鄭之未災

也。里析告子產曰：將有大祥。里析，鄭大夫祥，變異之氣。對舉則祥與殃別。單言則五行傳

青祥白祥之類，皆以惡徵為祥也。民震動，國幾亡，吾身泯焉。弗良及也。

言將先災死。孔疏：良是語，離史傳多云良所未悟，良有以也。是古今共有此語。國遷，其可乎？子產曰：雖

可，吾不足以定遷矣。子產知天災不可逃，非遷所免，故託以知不足。及火，里析死

矣。未葬，子產使輿三十人遷其柩。以其嘗與已言故。火作，子

產辭晉公子公孫于東門

晉人新來未入故辭不使前也

使司寇出新

客

新來聘者

禁舊客勿出於宮

為其知團情不欲令去

使子寬子上巡羣

屏攝至于大宮

二子鄭大夫屏攝祭祀之位大宮鄭祖廟巡行宗廟不得使火及之○屏上聲○孔疏子寬游吉之子與游速

渾罕為一人駟帶字子上六年死矣此別有子上非駟帶也鄭眾云屏攝攝束茅以為屏蔽其事或當然

使公孫登徙大

龜

登開卜大夫

使祝史徙主祔於周廟告于先君

祔廟主石函周廟厲王廟

也有火災故合羣主於祖廟易救護○祔音石

使府人庫人各做其事

做備火也

商成公

做司宮

商成公鄭大夫司宮巷伯寺人之官

出舊宮人寘諸火所不及

舊宮人先

女

公宮

司馬司寇列居火道

備非常也

行火所燬

燬炙也○燬許靳反

城下

之人伍列登城

為部伍登城備姦也

明日使野司寇各保其徵

野司寇縣士也。火之明日，四方乃開災。故戒保所徵役之人。○慮有所須當徵之。

郊人助祝史，除於國。

北為祭處於國北者。就犬陰禳火。

禳火于立冥回祿。

立冥，水神。回祿，火神。

祈于四鄘。

鄘，城也。城積土，陰氣所聚。故祈祭之以禳火之餘災。

書焚室而寬其征，與之材。

征，賦稅也。

三日

哭，國不市。

示憂戚，不會市。

使行人告於諸侯，宋衛皆如是。陳

不救火，許不弔災。君子是以知陳許之先亡也。

不義。

所以

○六月，邠人藉稻。

邠，妘姓國也。其君自出藉稻，蓋領行之。

邠人襲邠，邠人將

閉門，邠人羊羅攝其首焉。

斬得閉門者頭。攝，訓為持。

遂入之，盡俘

以歸。邠子曰：余無歸矣。從帑於邠，邠莊公反，邠夫

人而舍其女

為明年宋伐邾起

○秋葬曹平公往者見周原伯魯焉

原伯魯周大夫

與之語

不說學

說音悅

歸以語閔子馬閔子馬曰周其亂乎夫

必多有是說而後及其大人

國亂俗壞言者適多漸以及大人夫人在位者言其國內必多有

是不說學問之說也而後流傳及其在位之大人

大人患失而惑又曰可以無學無

學不害

患有害而失道者以惑其意○大人患其國內有多學而失其道者而疑惑於此言謂此言有道理也大人於是又為言曰其實可

以無學無學不為害也

不害而不學則苟而可

以為無害遂不學則皆懷苟且

於是乎

下陵上替能無亂乎夫學殖也不學將落原氏其

亡乎

殖生長也言學之進德如農之殖也日新日益○不學則才知日退將如草木之墜葉落枝葉也

○七月鄭子產爲火故大爲社爲治也。非常祭之月爲火特祭。祓禳

於四方振除火災禮也。振，棄也。祓，芳佛反。禳，如羊反，皆除凶之祭。乃簡兵大

蒐將爲蒐除治兵於廟城內地迫故除廣之。子犬叔之廟在道南其寢

在道北其庭小。庭，蒐場也。孔疏游吉宅近大路其廟常在宅內以其居處狹隘故廟在道南寢在道北寢即游吉所居宅也。

過期三日。處小不得一時畢。孔疏此量其庭之大小而豫計之以庭小之故當過期三日欲除道使濶望及期得了亦不知本期當幾

日也。陸氏繫曰犬叔不忍毀廟。使除徒陳於道南廟北曰子

產過女而命速除乃毀於而鄉。而女也。毀女所鄉。鄉去聲。子產朝

朝過而怒之。怒不毀。除者南毀子產及衝使從者止之

曰毀於北方。言子產仁不忍毀人廟。火之作也子產授兵登陴子

犬叔曰。晉無乃討乎。

辭晉公子公孫而  
授兵似若叛晉

子產曰。吾聞之。

小國忘守則危。況有災乎。國之不可小。有備故也。

既。晉之邊吏讓鄭曰。鄭國有災。晉君大夫不敢寧

居。卜筮走望。

○言為鄭卜筮宜禱  
何神奔走而望祭之

不愛牲玉。鄭之有災。寡

君之憂也。今執事擱然授兵登陴。

擱然動念貌  
○擱避板反

將以誰

罪。邊人恐懼不敢不告。子產對曰。若吾子之言。敝

邑之災。君之憂也。敝邑失政。天降之災。又懼讒慝

之閒謀之。以啓貪人。荐為敝邑不利。

荐重也。  
○間去聲

以重

君之憂。幸而不亡。猶可說也。

說解也

不幸而亡。君雖憂

之亦無及也。鄭有他竟，望走在晉。

言鄭雖與他國為竟，每瞻望晉歸赴之。

既

事晉矣。其敢有二心。

傳言子產有備。

○楚左尹王子勝言於楚子曰：許於鄭，仇敵也。而

居楚地，以不禮於鄭。

十五年，平王復遷邑許，自夷還居葉，恃楚而不事鄭。

晉鄭方睦，鄭

若伐許，而晉助之，楚喪地矣。君盍遷許，許不專於

楚。

自以舊國不專心事楚。

鄭方有令政，許曰：余舊國也。

許先鄭封。

鄭曰：余

俘邑也。

隱十一年，鄭滅許而復存之，故曰我俘邑。

葉在楚國，方城外之蔽也。

為方城外。

之蔽障。

土不可易。

易，輕也。易去聲。

國不可小。

謂鄭。

許不可俘，讎不

可啓。君其圖之。楚子說，冬，楚子使王子勝遷許於

析實白羽

於傳時白羽改為析。今河南南陽府鄧州內鄉縣是也。

經十有九年春宋公伐邾邾為邾○夏五月戊辰許世

子止弑其君買

加弑者責止不捨藥物

○己卯地震無傳

○秋齊高

發帥師伐莒○冬葬許悼公無傳

傳十九年春楚工尹赤遷陰于下陰

陰縣今屬南鄉郡。今湖廣襄陽府光化

縣西漢水西岸有古陰縣城即下陰邑也

令尹子瑕城邾叔孫昭子曰楚不在

諸侯矣其僅自完也以持其世而已

遷陰城邾皆欲以自完守

○楚子之在蔡也

蓋為大夫時往聘蔡

鄭陽封人之女奔之生

大子建

鄭陽蔡邑。鄭古閭反。當在河南汝寧府新蔡縣境

及即位使伍奢為之師

伍奢伍舉之子。伍員之父。○員音云。

費無極爲少師。無寵焉。欲誹諸王。曰。

建可室矣。

室妻也。

王爲之聘於秦。無極與逆。勸王取之。

正月。楚夫人羸氏至自秦。

王自取之。故稱夫人至。爲下拜。夫人起。○與音預。

○鄆夫人宋向戌之女也。故向寧請師。

寧向戌子也。請於宋公伐邾。

二月。宋公伐邾。圍蟲。三月。取之。

蟲邾邑。不書圍。取不以告。○蟲當在山東濟寧州東境。

乃盡歸鄆俘。

○夏。許悼公瘞。五月。戊辰。飲犬子止之藥。卒。

止獨進藥。不由。

醫犬子奔晉。書曰。弑其君。君子曰。盡心力以事君。

舍藥物可也。

藥物有毒。當由醫。非凡人所知識。止不舍藥物。所以加弑君之名。

○邾人邾人徐人會宋公乙亥同盟于蟲

終宋公  
伐邾事

○楚子爲舟師以伐濮

濮南夷也。當在楚之西南境。

費無極言於楚

子曰晉之伯也。邇於諸夏而楚辟陋。故弗能與爭。

若大城城父而寘犬子焉

城父今襄城城父縣。伯音霸。

以通北方。王

收南方。是得天下也。王說從之。故犬子建居于城

父。令尹子瑕聘于秦。拜夫人也。

為明年譖犬子張本。改以為夫人遣謝秦。

○秋。齊高發帥師伐莒

莒不事齊故。

莒子奔紀鄆

紀鄆莒邑也。東海嶺榆縣。

使孫書伐之

孫書陳無字之子。子占也。初

莒有婦人。莒子殺其夫。已爲嫠婦

嫠婦為嫠。嫠力之反。

及老。託

東北有紀城。朝音章。嶺古弄反。今山東青州府莒州。即江南淮安府嶺榆縣界。

於紀鄆紡焉以度而去之

因紡織連所紡以度城而藏之以待外攻者欲以報讎○紡芳往反度待

洛反○去起呂反藏也連所紡者謂連所紡之纆以為繩

及師至則投諸外

投繩城外隨之而出

或獻諸

子占子占使師夜緹而登

緣繩登城○緹直偽反

登者六十人緹

絕師鼓譟城上之人亦譟莒共公懼啓西門而出

七月丙子齊師入紀

傳言怨不在大

○是歲也鄭駟偃卒子游娶於晉大夫生絲弱

子游懼

也弱幼少其父兄立子瑕

子瑕子游叔父駟乞

子產憎其爲人也

憎子瑕

且

以爲不順

舍子立叔不順禮也

弗許亦弗止

許之為違禮止之為違衆故中立

駟氏聳

聳懼也

他日絲以告其舅冬晉人使以幣如鄭問駟乞

之立故駟氏懼駟乞欲逃子產弗遣請龜以卜亦

弗子大夫謀對子產不待而對客曰鄭國不天不獲天福

寡君之二三臣札瘥夭昏天死曰札小瘥曰瘥短折曰夭未名曰昏○周禮大司樂云大札令弛縣

鄭云札疫癘也是札大疫死也瘥才何反子生三月父名之未名謂未三月而死也今又喪我先大夫偃其

子幼弱其一二父兄懼隊宗主私族於謀而立長

親於私族之謀宜立親之長者寡君與其二三老曰抑天實剝亂是

吾何知焉言天自欲亂駟氏非國所知諺曰無過亂門民有兵亂猶

憚過之而况敢知天之所亂今大夫將問其故抑

寡君實不敢知其誰實知之平邱之會在十三年○過平聲下同君

尋舊盟曰無或失職若寡君之二三臣其即世者  
晉大夫而專制其位是晉之縣鄙也何國之爲辭  
客幣而報其使晉人舍之

遣人報晉使  
○使去聲

○楚人城州來沈尹戌曰楚人必敗

十三年吳縣州來今  
就城而取之戌莊王

曾孫葉公諸梁  
父也○戌音恤

昔吳滅州來

在十  
三年

子旗請伐之王曰吾未

撫吾民今亦如之而城州來以挑吳能無敗乎侍  
者曰王施舍不倦息民五年可謂撫之矣戌曰吾  
聞撫民者節用於內而樹德於外民樂其性而無  
寇讎今宮室無量民人日駭勞罷死轉

轉遷徙也○挑  
徒了反罷音皮

忘寢與食非撫之也

傳言平王所以不能霸

○鄭大水龍鬪于時門之外洧淵

時門鄭城門也洧水出滎陽密縣東南至潁川

長平入潁

國人請為禱焉子產弗許曰我鬪龍不我覲也

覲見也○禁為命反

龍鬪我獨何覲焉禳之則彼其室也

淵龍之室

無求於龍龍亦無求於我乃止也

傳言子產之知

○令尹子瑕言蹶由於楚子

蹶由吳王弟五年靈王執以歸○蹶九衛反

曰彼

何罪諺所謂室於怒市於色者楚之謂矣

言靈王怒吳子而執其弟

猶人忿於室家而作色於市人

舍前之忿可也乃歸蹶由

言楚子能用善言

經二十年春王正月○夏曹公孫會自鄆出奔宋

無傳嘗有玉帛之使來告故書鄭曹邑。○秋盜殺衛侯之兄絜

鄭莫公反。○在今山東兗州府曹州北。○冬十月宋華亥向寧華定出奔

齊豹作而不義故書曰盜所謂求名而不得。○十有一月辛卯蔡侯廬卒無傳未同盟而赴以名

陳與君爭而出皆書名惡之傅二十年春王二月己丑日南至是歲朔旦冬至之歲也當言正月己丑朔日南

至時史失閏閏更在二月後故經因史而書梓慎望氛氛氣也時魯侯

使梓慎望氛氣也時魯侯不行登臺之禮曰今茲宋有亂國幾亡三年而後弭蔡有大

喪為宋華向出奔蔡侯卒傳叔孫昭子曰然則戴桓也戴族華氏桓族向氏汰侈

無禮已甚亂所在也傳言妖由人興

○費無極言於楚子曰建與伍奢將以方城之外

叛自以為猶宋鄭也。齊晉又交輔之。將以害楚。其

事集矣。王信之。問伍奢。伍奢對曰。君一過多矣。一過納建

妻何信於讒。王執伍奢。念奢切言使城父司馬奮揚殺犬

子。未至而使遣之。知犬子寃故遣今去三月。犬子建奔宋。王召

奮揚。奮揚使城父人執已。以至。王曰。言出於余口。

入於爾耳。誰告建也。對曰。臣告之。君王命臣曰。事

建如事余。臣不佞也。佞才不能苟貳。奉初以還。奉初命以周旋不

忍後命。故遣之。既而悔之。亦無及已。王曰。而敢來。

何也。對曰。使而失命。召而不來。是再奸也。奸犯也。逃奸音奸

逃

無所入。王曰：歸從政如他日。

善其言。舍使還。

無極曰：奢之子

材。若在吳，必憂楚國。盍以免其父名之。彼仁必來。

不然，將爲患。王使召之，曰：來，吾免而父。棠君尚謂

其弟負。

棠君奢之長子尚也。爲棠邑大夫。員。尚弟子胥。負音云。君或作尹。

曰：爾適吳，我將歸

死。吾知不逮。

自以知不及。員。知音智。

我能死，爾能報。聞免父之

命，不可以莫之奔也。親戚爲戮，不可以莫之報也。

奔死免父，孝也。度功而行，仁也。

仁者貴成功。度待洛反。

擇任而往。

知也。

員任報讎。任音壬。

知死不辟，勇也。

尚爲勇。

父不可弃。

俱去爲弃父。

名

不可廢。

俱死爲廢名。

爾其勉之，相從爲愈。

愈差也。比于相從俱死爲愈也。

伍尚

歸奢聞員不來曰楚君大夫其盱食乎

將有吳憂不得早食。盱古旦

反楚人皆殺之。員如吳言伐楚之利於州于

州于吳子僚

公子光曰是宗為戮而欲反其讎不可從也

光吳公子闔廬

也反復也員曰彼將有他志

光欲弑僚不利員用事故破其議而員亦知之

余姑為之求

士而鄙以待之

計未得用故進勇士以求入於光退居邊鄙

乃見鱣設諸焉

鱣說勇士

○見音現鱣音專○謂為之紹介使之見光也

而耕於鄙

為二十七年吳弑僚傳

○宋元公無信多私而惡華向華定華亥與向寧

謀曰亡愈於死先諸

恐元公殺己欲先作亂

華亥偽有疾以誘羣

公子公子問之則執之夏六月丙申殺公子寅公

子御戎公子朱公子固公孫援公孫丁拘向勝向

行於其廩

八子皆公黨  
援于眷反

公如華氏請焉弗許遂劫之

劫公

未知諸人已死  
故猶往請之

癸卯取犬子欒與母弟辰公子地以爲

質

欒景公也辰及地皆元公弟  
○質音致  
○辰地皆元公子此云弟傳寫誤耳

公亦取華亥之子無

感向寧之子羅華定之子啓與華氏盟以爲質

為此  
冬華

向出  
奔傳

○衛公孟縶狎齊豹

公孟縶公兄也齊豹齊惡  
之子為衛司寇狎輕也

奪之司寇與

郵

郵豹邑  
郵音絹

有役則反之無則取之

縶足不良故有役則  
以官邑還豹使行

公

孟惡北宮喜褚師圃欲去之

喜貞子  
褚中呂反

公子朝通于

襄夫人宣姜

宣姜實公嫡母

懼而欲以作亂故齊豹北宮喜

楮師鬪公子朝作亂初齊豹見宗魯於公孟

薦達也○見音

現

為駮乘焉

為公孟駮乘○乘去聲下與乘一乘駮乘同

將作亂而謂之曰公

孟之不善子所知也勿與乘吾將殺之對曰吾由

子事公孟子假吾名焉故不吾遠也

言子借我以善名故公孟親近我○與遠

並去聲

雖其不善吾亦知之抑以利故不能去是吾過

也今聞難而逃是僭子也

使子言不信也

子行事乎吾將死

之以周事子

周猶終竟也○不泄殺公孟之言是終事子也

而歸死於公孟其可

也丙辰衛侯在平壽

平壽衛下邑

公孟有事於蓋獲之門

外

有事祭也蓋獲衛郭門

齊子氏帷於門外而伏甲焉

齊豹之家

使祝鼂

寘戈於車薪以當門

要其前也

使一乘從公孟以出

亦知前車寘戈

於薪尋其後

使華齊御公孟宗魯驂乘及闕中

闕曲門中。孔疏華齊是公孟

臣自為公孟御非齊氏所當使必不得有使字學者妄加也

齊氏用戈擊公孟宗魯以背

蔽之斷肱以中公孟之肩皆殺之公聞亂乘驅自

闕門入慶比御公公南楚驂乘使華寅乘貳車

公副車

斷丁管反。孔疏乘驅者乘車而疾驅也。闕門衛城門蓋偏側之門其路遠齊氏

及公宮鴻駟馳駟乘

于公

鴻駟馳復就公乘一車四人。駟音雷

公載寶以出褚師子申遇公于

馬路之衢遂從

從公出。從去聲

過齊氏使華寅肉袒執蓋

以當其闕

肉袒示不敢與齊氏爭執蓋蔽公而去闕空也以蓋當侍從空闕之處

齊氏射公中南

楚之背公遂出寅閉郭門

不欲令追者出射音石

踰而從公

踰郭公

如死鳥

死鳥衛地

析朱鉏宵從竇出徒行從公

朱鉏成子黑背孫

齊

侯使公孫青聘于衛

青項公之孫

既出聞衛亂使請所聘

公曰猶在竟內則衛君也乃將事焉

將事行聘事

遂從諸

死鳥請將事辭曰亡人不佞失守社稷越在草莽

吾子無所辱君命賓曰寡君命下臣於朝曰阿下

執事

阿比也命已使比衛臣下傳氏遜曰阿下親附而卑下之

臣不敢貳

兼違命也

主人曰君

若惠顧先君之好照臨敝邑鎮撫其社稷則有宗

祧在

言受聘當在宗廟也

乃止

止不行聘事

衛侯固請見之

欲與青相見

不獲

命以其良馬見

以為相見之禮。馬見音現下同。

為未致使故也

未致使故不敢以客禮見

○孔疏客禮見者若已致君命則享有庭實復有私觀私面之禮今為未致使故但以良馬見也

衛侯以為乘馬

喜其敬己故貴其物

賓將振

振行夜。振祖侯反。

主人辭曰亡人之憂不可

以及吾子草莽之中不足以辱從者敢辭賓曰寡

君之下臣君之牧圉也若不獲扞外役是不有寡

君也

有相親有

臣懼不免於戾請以除死親執鐸終夕與

於燎

設火燎以備守

齊氏之宰渠子召北宮子

北宮喜也

北宮氏之

宰不與聞謀殺渠子遂伐齊氏滅之丁巳晦公入

與北宮喜盟于彭水之上

喜本與齊氏同謀故公先與喜盟

秋七月戊午

朔遂盟國人八月辛亥公子朝褚師圃子玉霄子

高魴出奔晉

皆齊氏黨

閏月戊辰殺宣姜

與公子朝通謀故

衛侯賜

北宮喜謚曰貞子

滅齊氏故

賜析朱鉏謚曰成子

宵從公故

而以

齊氏之墓子之

皆未死而賜謚及墓田傳終而言之

衛侯告寧于齊且言子

石

子石公孫青言其有禮

齊侯將飲酒徧賜大夫曰二三子之教

也

去齊有歲衛侯

苑何忌辭曰與於青之賞必及於其罰

何忌齊大夫

夫言青若有罪亦當并受其罰○死於元反

在康誥曰父子兄弟罪不相及

尚書康誥

况在羣臣臣敢貪君賜以干先王

言受賜則犯康誥之義

琴張聞

宗魯死

琴張孔子弟子  
字子開名牢

將往弔之仲尼曰齊豹之盜而

孟縶之賊女何弔焉

言齊豹所以為盜孟縶  
所以見賊皆由宗魯

君子不食姦

知公孟不善而受  
其祿是食姦也

不受亂

許豹行事  
是受亂也

不為利疚於回

疚病回邪也  
以利故不能

去是病身於  
邪○為去聲

不以回待人

知難不告是  
以邪待人

不蓋不義

以周事豹  
是蓋不義

犯非禮

以二心事  
縶是非禮

○宋華向之亂公子城

平公

公孫忌樂舍

舍樂  
喜孫

司馬彊

向宜向鄭

宜鄭皆  
向戊子

楚建

楚平王之  
亡太子

邠甲

小邠穆  
公子

出奔鄭

八子  
宋大

夫皆公黨  
辟難出

其徒與華氏戰于鬼闕

八子之徒眾也潁川長平縣  
西北有闕亭○今陳州西華

縣東北闕倉亭城是  
也屬河南開封府

敗子城子城適晉

子城為華氏所敗別走至晉  
為明年子城以晉師至起本

華亥與其妻必盟而食所質公子者而後食公與夫人每日必適華氏食公子而後歸華亥患之欲歸公子向寧曰唯不信故質其子若又歸之死無

日矣公請於華費遂將攻華氏費遂天司馬華氏族○而食音嗣下同質音致○費扶味

反對曰臣不敢愛死無乃求去憂而滋長乎恐殺犬子憂益

長○長上聲臣是以懼敢不聽命公曰子死亡有命余不

忍其詢詢恥也○詢許候反冬十月公殺華向之質而攻之戊

辰華向奔陳華登奔吳登費遂之子黨華向者向寧欲殺犬子華

亥曰干君而出又殺其子其誰納我且歸之有庸

可以為功善

使少司寇棼以歸

以三公子歸公也。棼，華亥庶兄。○棼，苦耕反。

曰：子之齒

長矣，不能事人，以三公子為質，必免。

質，信也。送公子歸，可以自明不叛之信。

質如字

公子既入，華棼將自門行。

從公門去

公遽見之，執其手

曰：余知而無罪也，入復而所

而女也。所，所居官。

○齊侯疥，遂疢。

疢，瘡疾。○疥，音戒。疢，失庶反。

期而不瘳，諸侯之賓問

疾者多在。

多在齊。期，音基。

梁邱據與裔款

二子，齊嬖大夫。

言於公曰：

吾事鬼神豐於先君有加矣。今君疾病，為諸侯憂

是祝史之罪也。諸侯不知，其謂我不敬。君盍誅於

祝，固史囂以辭賓。

欲殺囂固以辭謝來問疾之賓。

公說，告晏子。晏子曰：

日宋之盟

日往日也宋盟在襄二十七年

屈建問范會之德於趙武趙

武曰夫子之家事治言於晉國竭情無私其祝史

祭祀陳信不愧其家事無猜其祝史不祈

家無猜疑之事故祝史無

求於鬼神建以語康王楚康王曰神人無怨宜夫子之光

輔五君以爲諸侯主也

五君文襄靈成景

公曰據與歎謂寡

人能事鬼神故欲誅於祝史子稱是語何故對曰

若有德之君外內不廢

無廢事

上下無怨動無違事其

祝史薦信無愧心矣

君有功德祝史陳說之無所愧

是以鬼神用饗國

受其福祝史與焉

與受國福

其所以蕃祉老壽者爲信君

使也。其言忠信於鬼神，其適遇淫君，外內頗邪，上

下怨疾，動作辟違，從欲厭私。使私情厭足。頗，普何反。從，子用反。下淫，從同。高臺

深池，撞鍾舞女，斬刈民力，輸掠其聚。掠，奪取也。掠音亮，撞直江反。孔疏輸

墮也，故為墮毀，奪其所聚之物。以成其違，不恤後人，暴虐淫從，肆行非

度，無所還忌。還猶顧也。不思謗讟，不憚鬼神，神怒民痛，無

悛於心，其祝史薦信，是言罪也。以實白神是為言君之罪。其蓋失數

美，是矯誣也。蓋，掩也。數所主反。進退無辭，則虛以求媚。作虛辭以求媚。

於神是以鬼神不饗其國，以禍之。祝史與焉，所以天

昏孤疾者，為暴君使也。其言僭慢於鬼神，公曰：然

則若之何。對曰：不可爲也。

言非誅祝史所能治。

山林之木，衡鹿

守之，澤之萑蒲，舟鮫守之，藪之薪蒸，虞侯守之，海

之鹽蜃，祈望守之。

衡鹿，舟鮫，虞侯，祈望，皆官名也。言公專守山澤之利，不與民共。○萑，音九。鮫，音交。麇，曰薪。細，曰

蒸。縣鄙之人，入從其政，偏介之關，暴征其私。

介，隔也。迫，近也。

都之關，言邊鄙既入服政，役又爲近關所征，稅枉暴奪其私物。

承嗣大夫，強易其賄。

承嗣，大夫世位者。○強，其

反。布常無藝。

藝，法制也。言布政無法制。

徵斂無度，宮室日更，淫樂不

違。

遠去。

內寵之妾，肆奪於市。

肆，放也。

外寵之臣，僭令於鄙。

詐爲教令於邊鄙。

私欲養求，不給則應。

養，長也。所求不給，則應之以罪。○長，上聲。

民人苦

病。夫婦皆詛，祝有益也，詛亦有損。

○假使祝史能祝其君果有益而得福，則彼夫

婦皆詛其君亦能有損而名禍祝之又反下同

聊攝以東

聊攝齊西界也平原聊城縣東北有攝城。今聊城屬山東東昌府

姑

尤以西

姑尤齊東界也姑水尤水皆在城陽郡東南入海。姑水即山東登州府黃縣之大姑河尤水即山東萊州府掖縣之小姑河

其爲人也多矣。雖其善祝豈能勝億兆人之詛

萬億曰億

萬億曰兆

君若欲誅於祝史脩德而後可。公說使有司寬

政毀關去禁薄斂已責

除逋責。責本作債同

○十二月齊侯田于沛

言疾愈行獵沛澤名

招虞人以弓不進

虞人掌山澤之官

公使執之辭曰昔我先君之田也旃以招

大夫弓以招士皮冠以招虞人臣不見皮冠故不

敢進乃舍之仲尼曰守道不如守官

君招當往道之常也非物不進官之制也

君子韙之

韙是也。韙于鬼反。

齊侯至自田。晏子侍于遼臺。子

猶馳而造焉。

子猶梁邱據。

公曰：唯據與我和。夫晏子對曰：

據亦同也。焉得為和？公曰：和與同異乎？對曰：異。和

如羹焉。水火醯醢鹽梅以烹魚肉。燂之以薪。

燂炊也。燂章。

善反。宰夫和之。齊之以味。濟其不及。以洩其過。

濟益也。洩滅也。

○齊去聲。

君子食之。以平其心。君臣亦然。

亦如羹。

君所謂可。而

有否焉。

否不可也。

臣獻其否。以成其可。

獻君之否。以成君可。

君所謂否。

而有可焉。臣獻其可。以去其否。是以政平而不干。

民無爭心。故詩曰：亦有和羹。既戒既平。

詩頌殷中宗言中宗能興賢者。

和齊可否其政如羹噉戒且

醜噉無言時靡有爭

醜總也噉大也言總大政能使

上下皆如和羹○酸子工反噉古雅反

先王之濟五味

濟成也

和五聲也以平其

心成其政也聲亦如味一氣

須氣以動○孔疏一氣不止為鼓吹人以氣生動皆由氣彈絲

擊石莫不用氣氣是作樂之主故先言之

二體

舞者有文武○樂之動身體者唯有舞耳文舞執羽籥武舞執干戚鉞者有文武之二體

三類

風雅頌○樂以歌詩為主一國之事諸侯之詩為風天下之事天子之詩為雅成功告神為頌是三者類別各不同

四物

雜用四方之物以成器○器謂

八音之器也

五聲

宮商角徵羽

六律

黃鍾大簇姑洗蕤賓夷則無射也陽聲為律陰聲為呂此十二月氣○簇七豆反蕤人誰

反射

七音

周武王伐紂自午及子凡七日王因此以數合之以聲昭之故以七同其數以律和其聲謂之七音○五聲以外更加變宮變徵為

七音

八風

八方之風

九歌

九功之德皆可歌也六府三事謂之九功

以相成也

言此九者合然後相成為和樂

清濁小大短長疾徐哀樂剛柔遲速高下出入周

疏以相濟也

周密也。孔疏周疏以上凡十事皆兩字相對其義相反乃言樂聲如此相反以成音曲猶羹之水火相反人

之和而不同也

君子聽之以平其心。心平德和。故詩曰：德音

不瑕。

詩幽風也。義取心平則德音無瑕關

今據不然。君所謂可。據亦曰可。君

所謂否。據亦曰否。若以水濟水。誰能食之。若琴瑟

之專壹。誰能聽之。同之不可也。如是。飲酒樂公曰：

古而無死。其樂若何。晏子對曰：古而無死。則古之

樂也。君何得焉。昔爽鳩氏始居此地。

爽鳩氏少皞氏之司寇也

季荊

因之。

季荊虞夏諸侯代爽鳩氏者。荊仕側反

有逢伯陵因之。

逢伯陵殷諸侯姜姓

蒲姑

氏因之。

蒲姑氏殷周之間代逢公者

而後大公因之。古若無死。爽鳩

氏之樂非君所願也

齊侯甘於所樂志於不死  
晏子稱古以節其情願

○鄭子產有疾謂子大叔曰我死子必為政唯有德者能以寬服民其次莫如猛夫火烈民望而畏之故鮮死焉水懦弱民狎而翫之也則多死焉故

寬難

難以治

疾數月而卒大叔為政不忍猛而寬鄭國

多盜取人於萑苻之澤

萑苻澤名於澤中  
劫人○苻音蒲

大叔悔之曰吾

早從夫子不及此與徒兵以攻萑苻之盜盡殺之盜少止仲尼曰善哉政寬則民慢慢則糾之以猛

糾猶攝也

猛則民殘殘則施之以寬寬以濟猛猛以濟寬

政是以和。詩曰：民亦勞止，汔可小康。惠此中國，以

綏四方，施之以寬也。

詩大雅汔，其也。康，綏皆安也。周厲王暴虐，民勞於苛政，故詩人刺之，欲其施之以寬。○汔，

許乙反。毋從詭隨。詭，人隨人，無正心不可從。○從，子用反。註同。

以謹無良。

謹，勑慎也。式遏寇

虐，慘不畏明，糾之以猛也。

式，用也。遏，止也。慘，曾也。言為寇虐，曾不畏明法者，亦嘗用猛政糾治之。

柔遠能邇，以定我王，平之以和也。

柔，安也。邇，近也。遠者懷附，近者各以能進，則王室定。

又曰：不競不絀，不剛不柔。

詩殷頌言湯政得中，和競強也。絀，急也。

布政優優。

百祿是遒。

優優，和也。遒，聚也。

和之至也。及子產卒，仲尼聞之，

出涕曰：古之遺愛也。

子產見愛有古人之遺風。

經二十有一年春，王三月，葬蔡平公。○夏，晉侯使

士鞅來聘

晉頃公即位通嗣君

○宋華亥向寧華定自陳入于

宋南里以叛

自外至故曰入披其邑故曰叛南里宋城內里名○在今河南歸德府商邱縣境

○秋七月

壬午朔日有食之○八月乙亥叔輒卒

叔弓之子伯張

○冬

蔡侯朱出奔楚

朱為太子則失位遂微弱為國人所逐故以自出為文

○公如晉至河

乃復

晉人辭公故還

傳二十一年春天王將鑄無射

周景王也無射鐘名律中無射○射音亦○其聲於律應

無射之管故以律名名鐘

泠州鳩曰王其以心疾死乎

泠樂官州鳩其名也○泠乃丁反

夫樂天子之職也

職所主也

夫音樂之興也

樂因音而行

而鐘音

之器也

音由器以發

天子省風以作樂

省風俗作樂以移之

器以鐘之

鐘聚也。以器聚音。

輿以行之。

樂須音而行。

小者不窕。

窕，細不滿。窕，他彫反。

大者不

楸。

楸，橫大不入。楸，戶化反。

則和於物。物和則嘉成。

嘉，樂成也。

故和聲入於

耳而藏於心。心億則樂。

億，安也。

窕則不咸。

不充滿人心。

楸則不

容。

心不堪容。

心是以感。感實生疾。今鐘楸矣。王心弗堪。其

能久乎。

為明年天。王崩傳。

○三月葬蔡平公。蔡犬子朱失位。位在卑。

不在適子位。以長幼齒。

大夫送葬者歸。見昭子。昭子問蔡故。以告。昭子歎

曰：蔡其亡乎？若不亡，是君也。必不終。詩曰：不解于

位。民之攸暨。

詩大雅。暨，息也。

今蔡侯始即位而適卑。身將從

之為蔡侯朱  
出奔傳

○夏晉士鞅來聘叔孫為政

叔孫昭子以  
三命為國政

季孫欲惡諸

晉

憎叔孫在已上位  
欲使得罪於晉

使有司以齊鮑國歸費之禮為士

鞅

鮑國歸費在十四年牢禮各如其命數魯人失禮故為  
鮑國七牢。故為于偽反。鮑國齊卿三命法當三牢

士鞅怒曰

鮑國之位下其國小而使鞅從其牢禮是卑敝邑

也將復諸寡君魯人恐加四牢焉為十一牢

言魯不  
能以禮

事大國且為哀七  
年吳徵百牢起

○宋華費遂生華貍華多僚華登貍為少司馬多

僚為御士

公御士  
貍勅俱反

與貍相惡乃譖諸公曰貍將納

亡人

亡人華亥等

亟言之。公曰：司馬以吾故，亡其良子。

司馬

遂為大司馬。良子謂華登。○亟，欺其反。

死亡有命，吾不可以再亡之。對曰：君

若愛司馬，則如亡。

君若愛大司馬，則當亡走失國。○言不如出亡也。

死如可逃，何遠

之有。

言亡可以逃，死勿適其遠以恐動公。

公懼，使侍人召司馬之侍人宜僚。

飲之酒，而使告司馬。

告司馬使逐羆。

司馬歎曰：必多僚也。吾

有讒子，而弗能殺，吾又不死，抑君有命，可若何？乃

與公謀逐華羆，將使田孟諸而遣之。公飲之酒，厚

酬之。

酬酒幣。

賜及從者，司馬亦如之。

亦如公賜。

張句尤之。

張句華羆臣尤。

佐賜之厚。

曰：必有故，使子皮承宜僚以劍，而訊之。

子皮華羆訊問也。

宜

僚盡以告

告欲因用  
以遺之

張句欲殺多僚。子皮曰：司馬老

矣，登之謂甚。

言登七傷司  
馬心已甚

吾又重之，不如亡也。五月丙

申，子皮將見司馬而行，則遇多僚御司馬而朝。張

句不勝其怒，遂與子皮白任、鄭翩殺多僚。

任，翩亦  
臣。○任音壬。

劫司馬以叛，而召亡人壬寅。華向入，樂大心、豐愆

華、輗、禦諸橫

梁園睢陽縣  
南有橫亭

華氏居盧門以南里叛。

盧門，宋  
東城南

門

六月庚午，宋城舊廡及桑林之門而守之。

舊廡，故  
城也。桑

林城  
門名

○秋七月壬午朔，日有食之。公問於梓慎曰：是何

物也。禍福何爲

物事也。

對曰：二至二分

二至，冬至夏至。二分，春分秋分。

日有

食之，不爲災。日月之行也，分同道也。至，相過也。

二分，日夜。

等，故言同道。二至長短極故相過。孔疏：春分之時，朔則日在婁，望則日在角。秋分之時，朔則日在角，望則日在婁。婁角是天之中道，日月俱從中道，故晝夜等。似有體蔽之理，月可蔽日。冬至之時，朔則日在斗，望則日在井。夏至之時，朔則日在井，望則日在斗。斗并南北晝夜長短之極，似若月之極長，可以掩日。然相過謂絕，其他月則爲災。陽不克也，故常爲水。

陰侵陽，是陽不

勝陰。孔疏：莊二十三年六月日食，秋大水。此二十四年五月日食，梓慎曰：將水。昭子曰：旱也。其年八月大雪，旱也。又七年四月甲辰朔日食，春分之日而云。魯衛惡之，常水之言，既無其驗，足知是賢聖假託日食以爲戒耳。

於是叔輒哭日食

意在于憂災。

昭子

曰：子叔將死，非所哭也。八月，叔輒卒。

○冬，十月，華登以吳師救華氏。

登，前年奔吳。

齊烏枝鳴戍。

宋

鳥枝鳴齊大夫

廚人濮曰

濮宋廚邑大夫

軍志有之先人有奪人之

心後人有待其衰盍及其勞且未定也伐諸若入

而固則華氏衆矣悔無及也從之丙寅齊師宋師

敗吳師于鴻口

梁國睢陽縣東有鴻口亭○今在歸德府商邱虞城二縣界先後並去聲

獲其二帥

公子苦雒偃州員

二帥吳大夫○雒古舍反員音云

華登帥其餘吳餘師以

敗宋師公欲出

出奔

廚人濮曰吾小人可藉死可借使死難

而不能送亡君請待之

請君待復戰決勝負

乃徇曰揚徽者公

徒也

徽識也○識本又作幟念其各自揚徽欲知其助公多少

衆從之公自揚門見之見國人皆

揚徽睢陽正東門名揚門

下而巡之曰國亡君死二三子之恥也豈

專孤之罪也。齊烏枝鳴曰：用少莫如齊，致死齊，致

死莫如去備。

備長兵也。

彼多兵矣，請皆用劍從之。華氏北

復，即之。

北敗走。

廚人濮以裳裹首而荷以走，曰：得華登

矣，遂敗華氏于新里。

新里，華氏所取邑。

翟僂新居于新里，既

戰，說甲于公而歸。

居華氏地而助公戰。僂，力主反說他活反。

華姓居于公里。

亦如之。

姓華氏族，故助華氏。亦如僂，新說甲歸傳言古之為軍，不此小忿。姓他口反。此本又作訾。

十一月癸

未，公子城以晉師至。

城以前年奔晉，今還救宋。

曹翰、胡

曹大夫。

會、晉荀吳

中行穆子。齊苑何忌。

齊大夫。

衛公子朝。

前年出奔晉，今還衛。

救宋。丙戌，與華

氏戰于赭邱。

赭邱，宋地。赭音者。後漢志：陳國長平縣有赭邱城，應在今河南開封府陳州西北境。鄭翩願

為鶴其御願為鶩

鄭華氏黨  
鶴鶩皆陳名

子祿御公子城莊董為

右

子祿向宜  
董音謹

于驪御呂封人華豹張句為右

呂封人華豹  
華氏黨驪

尺由

反相遇城還華豹曰城也城怒而反之

怒其呼已  
反還戰

將注

豹則關矣

注傳矢關引弓  
關鳥環反傳音附

曰平公之靈尚輔相余

平公

城之豹射出其間

出子城子  
祿之間

將注則又關矣曰不狎鄙

狎更也○更音庚○城謂豹女頻  
射我不使我得更遞是為鄙也

抽矢

豹止  
不射城射之

殪豹張句抽

及而下

及長丈二  
在車邊

射之折股扶伏而擊之折軫

折城車軫  
扶伏拉

如字又或  
作匍匐同

又射之死

白

于驪請一矢

求

城曰余言女

於君

欲活

對曰不死伍乘軍之大刑也

同乘共伍當皆  
死○乘去聲

于

刑而從子。君焉用之。子速諸，乃射之。殪。殪又死大敗華

氏，圍諸南里。華亥搏膺而呼，見華疆曰：「吾爲樂氏

矣。」晉樂盈還入作亂而死，事在襄二十三年。呼，去聲。疆曰：「子無我廷，不幸而後亡也。」廷，恐也。

廷，求枉反。使華登如楚，乞師。華疆以車十五乘，徒七十人。

犯師而出。犯，公師出。送華登。食於睢上，哭而送之，乃復入。入南里。

睢音雖。楚遠越帥師，將逆華氏。大宰犯諫曰：「諸侯唯宋

事其君，今又爭國，釋君而臣，是助無乃不可乎？王

曰：「而告我也。」後既許之矣。爲明年華向出奔楚傳。

○蔡侯朱出奔楚，費無極取貨於東國。東國，隱犬子之弟。子平侯廬之弟。

朱叔父也

而謂蔡人曰。朱不用命於楚。君王將立東國。若

不先從王。欲楚必圍蔡。蔡人懼。出朱而立東國。朱

愬于楚。楚子將討蔡。無極曰。平侯與楚有盟。故封

盟于鄧。依陳蔡人以國。

其子有二心。故廢之。

子謂朱也。

靈王殺隱太子。其

子與君同惡。德君必甚。又使立之。不亦可乎。且廢

置在君。蔡無他矣。

言權在楚。則蔡無他心。

○公如晉。及河。鼓叛晉。

叛晉屬鮮虞。

晉將伐鮮虞。故辭公。

將有軍事。無暇於待賓。且懼泄軍謀。

經二十有二年。春。齊侯伐莒。○宋華亥。向寧。華定。

自宋南里出奔楚

言自南里別從國去。別彼列反。

○大蒐于昌閒

無傳

○夏四月乙丑天王崩。○六月叔鞅如京師葬景

王

叔鞅叔弓子三月而葬亂故速

○王室亂

承叔鞅言而書之未知誰是故但曰亂

劉子單子以

王猛居于皇

河南鞏縣西南有黃亭辟子朝難出居皇王猛書名未即位。京相璠曰黃亭在訾城北三里今屬河南河南府

秋劉子單子以王猛入于王城

王城鄭鄆今河南縣晉助猛故得還王都。故王城在今

河南府洛陽縣城內西偏

○冬十月王子猛卒

未即位故不言崩

○十有二月

癸酉朔日有食之

無傳此月有庚戌又以長歷推校前後當為癸卯朔書癸酉誤

傳二十二年春王二月甲子齊北郭啓帥師伐莒

啓齊大夫北郭佐之後

莒子將戰苑羊牧之諫

牧之莒大夫苑於元反

曰齊帥賤

其求不多。不如下之。大國不可怒也。弗聽。敗齊師。

于壽餘。

莒地。當在山東青州府安邱縣境。

齊侯伐莒。

怒。

莒子行成。司馬

寵如莒。涖盟。

寵齊大夫。

莒子如齊。涖盟。盟于稷門之外。

稷門齊城。

門也。

莒于是乎大惡其君。

為明年莒子來奔傳。

○楚蘧越使告于宋曰：寡君聞君有不令之臣，為

君憂，無寧以為宗羞。

無寧寧也。言華氏為宋宗廟之羞恥。

寡君請受而戮

之。對曰：孤不佞，不能媚於父兄。

華向公族也。故稱父兄。

以為君憂。

拜命之辱，抑君臣日戰。君曰：余必臣是助，亦唯命。

人有言曰：唯亂門之無過。君若惠保敝邑，無亢不

衷以獎亂人

○過平聲孔疏亢高也衷善也獎勸也無高貴不善之事以勸亂人為惡也

孤之望也

唯君圖之楚人患之

忠宋以義距之

諸侯之成謀曰若華氏

知困而致死楚恥無功而疾戰非吾利也不如出

之以爲楚功其亦無能爲也已

言華氏不能復為宋患

救宋而除

其害又何求乃固請出之宋人從之已已宋華亥

向寧華定華貙華登皇奄傷省臧士平出奔楚

華貙以下

五子不書非卿

宋公使公孫忌爲大司馬

代華

邊卬爲大司徒

卬平公曾孫代華定

樂祁爲司城

祁子罕孫

仲幾爲左師

幾仲江孫代向寧○幾音

基樂大心爲右師

代華

樂輓爲大司寇

輓子罕孫

以靖國人

終梓慎之言。

三年而後得。

○王子朝賓起有寵於景王

子朝景王之長庶子賓起子朝之傳。朝如字。凡人名宗皆張

遙反。或云朝錯是王子朝之後音潮。案錯姓亦有兩音。

王與賓孟說之。欲立之。

孟即起也。王語賓孟欲立

子朝為大子。

○說如字。

劉獻公之庶子伯蚩事單穆公

獻公劉摯伯蚩劉狄穆公單旗

○蚩扶粉反。

惡賓孟之為人也。願殺之。又惡王子朝之言。

以為亂。願去之。

子朝有欲立之言。故劉蚩惡之。

賓孟適郊。見雄雞自斷。

其尾。問之。侍者曰。自憚其犧也。

畏其為犧。牲奉宗廟。故自殘毀。○斷。丁管反。

遽

歸告王。且曰。雞其憚為人用乎。人異於是。

雞犧。雞見籠飾。然卒當見。

殺若人見籠飾則當貴。盛故言異於雞。

犧者實用人。人犧實難。己犧何害。

言設使寵

人如寵擾則不宜假人以招禍難使儀在己則無患害已喻子朝欲使王早寵異之○難去聲○孔疏言寵愛為儀者依法用性今寵愛為儀者乃實用人人有親疎若疎人被寵愛為儀實為禍難若己家親屬寵愛如儀有何患害也

王弗應

十五年大子壽卒王立子猛後復欲立子朝而

未定賓玉感雞成稱子朝王心許之故不應

夏四月王田北山使公卿皆從將

殺單子劉子

北山洛北芒也王知單劉不欲立子朝欲因田獵先殺之○芒山今在河南府城洛陽縣東北連偃師孟津鞏

三縣

王有心疾乙丑崩于榮錡氏

四月十九日河南鞏縣西有榮錡澗○錡魚綺反○今屬

河南

府戊辰劉子執卒

二十日

無子單子立劉蚩

蚩事單子故

五月

庚辰見王

見王猛

遂攻賓起殺之

黨子朝故

盟羣王子于單氏

王子猛次正故單劉立之懼諸王子或黨子朝故盟之

○晉之取鼓也

在十五年

既獻而反鼓子焉

獻子

又叛於鮮

虞

叛晉屬鮮虞

六月荀吳畧東陽

畧行也東陽晉之山東邑魏郡廣平以北

使師偽釋

者負甲以息於昔陽之門外

昔陽故肥子所都○釋音狄

遂襲鼓滅

之以鼓子鳶鞮歸使涉佗守之

守鼓之地涉佗晉大夫○佗徒多反

○丁巳葬景王王子朝因舊官百工之喪職秩者

與靈景之族以作亂

百工百官也靈王景王之子孫

帥郊要餞之甲

三邑周地

○要平聲餞賤淺反

以逐劉子

遂伯金

壬戌劉子奔揚

揚周邑

單子逆悼

王子莊宮以歸

悼王子猛也

王子還夜取王以如莊宮

王子還子

朝黨也不欲使單子得五猛故取之

癸亥單子出

失王故出奔

王子還與召莊公

謀

莊公召伯奭子朝黨也

曰不殺單旗不捷

旗單子也

與之重盟必來背

盟而克者多矣從之

從還謀也

樊頃子曰非言也必不克

頃子樊齊單劉黨○頃音傾

遂奉王以追單子

王子還奉王

及領大盟而復

領周地欲重盟今單子劉子復歸

殺摯荒以說

委罪於荒

劉子如劉

歸其采邑

單子亡

乙丑奔干平時

平時周地如王子還欲背盟故亡走○時音止

羣王子追之單子

殺還姑發弱酸延定稠

八子靈景之族因戰而殺之

子朝奔京

其黨死故

丙

寅伐之

單子伐京

京人奔山劉子入于王城

子朝奔京故得入

辛未

鞏簡公敗績于京乙亥甘平公亦敗焉

甘鞏二公周卿士皆為子朝所敗

叔鞅至自京師

葬景王還

言王室之亂也

經所以書

閔馬父曰子

朝必不克其所與者天所廢也

閔馬父閔子馬魯大夫天所廢謂羣喪職秩者

單

子欲告急於晉。秋七月戊寅，以王如平時，遂如圃。

車次于皇。

出次以示急。戊寅，七月三日。經書六月，誤也。

劉子如劉，單子使王子。

處守于王城。

王子處，子猛黨。守王城，距于朝。

盟百工于平宮。

平宮，平王廟。

辛卯。

鄆肸伐皇。

鄆肸，子朝黨。○鄆音尋。

大敗，獲鄆肸。壬辰，焚諸王城之

市。

焚鄆肸。

八月辛酉，司徒醜以王師敗績于前城。

醜，悼王司徒。前

城，子朝所得邑。

百工叛。

司徒醜敗故。

己巳，伐單氏之宮，敗焉。

百工伐單氏為單氏所敗。

庚午，反伐之。

單氏反伐百工。

辛未，伐東園。

百工所在洛陽東南有園。○路史周地有東園西園，東

園即園鄉，在今洛陽縣東南。

冬十月丁巳，晉籍談荀躒帥九州之戎。

九州，戎陸渾戎十七年滅。屬晉州鄉屬也。五州為鄉。

及焦瑕、溫原之師。

焦瑕、溫原，晉四邑。

以納王。

于王城

丁巳在十月經書秋誤

庚申單子劉蚩以王師敗績于郊

為子朝之黨所敗

前城人敗陸渾于社

前城子朝眾社周地

十一月乙酉

王子猛卒

乙酉在十一月經書十月誤雖未即位周人謚曰悼王

不成喪也

釋所以不稱王崩

已

丑敬王即位

敬王王子猛母弟王子匄

館于子旅氏

子旅周大夫

十二月庚

戌晉籍談荀躒賈辛司馬督

司馬烏

帥師軍于陰

籍談所軍

侯氏

首驪所軍疑即緄氏

于谿泉

賈辛所軍鞏縣西南有明谿泉

次于社

司馬督所次

王師

軍于汜于解次于任人

王師分在三邑洛陽西南有大解小解汜音凡解音蟹任音壬後漢書洛陽

大解城在今洛陽縣南小解城在縣西南

閏月晉箕遺樂徵右行詭濟師取前

城

三子晉大夫濟師渡伊洛

軍其東南王師軍于京楚辛丑伐京毀

其西南

京楚子朝所在

春秋左傳杜注卷第二十四